



SKUPŠTINA BRČKO DISTRIKTA BIH

# Bilten

Informativni Bilten  
Skupštine Brčko distrikta BiH  
za 2023. godinu







# SADRŽAJ

UVOD .....	5
IZMJENAMA I DOPUNAMA ZAKONA O BUDŽETU DO BRŽE REALIZACIJE KAPITALNIH PROJEKTA .....	6
USVOJEN REBALANS .....	7
PRIJEDLOG BUDŽETA DISTRIKTA ZA 2024. GODINU NA VRIJEME UŠAO U SKUPŠTINSKU PROCEDURU .....	8
OMOGUĆENO POVEĆANJE PLATA ZAPOSLENIMA U ORGANIMA JAVNE UPRAVE .....	9
USVOJEN ZAKON O DJELATNOSTI OSIGURANJA .....	10
USVOJEN ZAKON O SOCIJALNOM STANOVANJU .....	11
ŠKOLE POSTAJU PRAVNA LICA .....	12
DATA SAGLASNOST NA DOPUNU PRAVILNIKA O PLATAMA U JZU .....	13
ODOBRENA STRATEGIJA ZA RAZVOJ SPORTA .....	14
USVOJENA STRATEGIJA ZA MLADE ZA PERIOD 2022–2026. GODINA .....	15
ESED KADRIĆ RAZRIJEŠEN DUŽNOSTI GRADONAČELNIKA, ZA NOVOG IZABRAN ZIJAD NIŠIĆ .....	16
NIJE PODRŽANA INICIJATIVA ZA SMJENU GRADONAČELNIKA .....	17
MILIĆ I STEVANDIĆ RAZGOVARALI O ZA JEDNIČKIM PROJEKTIMA SRPSKE I DISTRIKTA ...	18
RADNI SASTANAK S PREDSEDAVAJUĆIM ARBITROM ARBITRAŽNOG TRIBUNALA ZA BRČKO ...	20
ODOBRENO DODATNO KREDITNO ZADUŽENJE ZA PROJEKAT „VODOSNABDIJEVANJE BRČKO“	21
RADOVI NA REKONSTRUKCIJI MOSTA BRČKO–GUNJA POČINJU SLJEDEĆE GODINE .....	22
UVEDEN E-PARLAMENT, SISTEM ELEKTRONSKOG VOĐENJA SJEDNICA .....	24
SKUPŠTINA UVELA REGISTAR DONACIJA.....	25
SKUPŠTINA DONIRALA SERVER ZA PROGRAMIRANJE TEHNIČKOJ ŠKOLI .....	26
ODOBRENA FINANSIJSKA POMOĆ POPLAVLJENIM PODRUČJIMA U BIHAĆU, KOSTAJNICI I ČELIĆU .....	27
USVOJENA INICIJATIVA ZA UVOĐENJE BESPLATNE KARTE ZA TRUDNICE I PORODILJE ..	27
KOMISIJA ZA RAVNOPRAVNOST SPOLOVA U SAVJETODAVNOM TIJELU ZAJEDNIČKOG PROJEKTA „LARE“ I „INFOHAUSA“ .....	28
SKUPŠTINA PODRŽALA KAMPANJU „16 DANA AKTIVIZMA“ .....	30
ODRŽAN OKRUGLI STO NA TEMU „INSTITUCIONALNI OKVIR ZA RAVNOPRAVNOST SPOLOVA NA NIVOU BRČKO DISTRIKTA BiH“ .....	32
U MARTU I NOVEMBRU ODRŽANE KONFERENCIJE O ZELENOJ ENERGIJI .....	34
OTVORENA KANCELARIJA TURISTIČKE ORGANIZACIJE .....	36
140 GODINA TRGOVAČKE ŠKOLE U BRČKOM .....	37
PODIZANJEM ROMSKE ZASTAVE I RADIONICOM OBILJEŽEN SVJETSKI DAN ROMA .....	40
MILIĆ: DEVETI MAJ VAŽAN DATUM U ISTORIJI CIVILIZACIJE .....	42
ČESTITKA PREDSEDNIKA I POTPREDSJEDNIKA SKUPŠTINE POVODOM NOVE GODINE ..	45



## IMPRESUM

### **Stručna služba Skupštine Brčko distrikta BiH**

Uređivački tim Biltena:

#### **Urednica:**

Maja Kovačević-Gudelj, stručni savjetnik za odnose s javnošću

#### **Tehnička obrada i grafički dizajn:**

Mato Radić, tehničar za rukovanje audio i video tehnikom

#### **Prilagodio za web:**

Stefan Marjanović, administrator IT sistema

#### **Lektori:**

Andrea Antić-Dugeč

Marica Lakić

Fatima Ribić

#### **Fotografije i tekst**

Arhiva Stručne službe Skupštine



# UVOD



**K**raj godine je vrijeme kada se sumiraju rezultati rada i prave planovi za narednu godinu, te ćemo se u ovom broju Biltena osvrnuti na rad Skupštine u godini na izmaku.

Skupština Distrikta je od početka 2023. godine do zaključenja ovog broja Biltena održala sedamnaest redovnih i pet vanrednih sjednica.

Između ostalog, izmijenjen je Zakon o budžetu u cilju brže realizacije kapitalnih projekata, kao i Zakon o predškolskom vaspitanju i obrazovanju i Zakon o obrazovanju u osnovnim i srednjim školama u Distriktu čime je omogućeno da škole i predškolske ustanove postanu pravna lica.

Skupština je uvela sistem elektronskog vođenja sjednica, odnosno e-parlament, kao i registar donacija te je Tehničkoj školi donirala informatičku opremu.

Zahvaljujući inicijativi dva poslanika, trudnice i porodilje dobile su besplatna parking mjesta u gradu, a odobrena je i finansijska pomoć za Bihać, Kostajnicu i Čelić za sanaciju šteta od poplava kojima su te lokalne zajednice bile pogođene u maju. I ove godine Skupština se priključila međunarodnoj kampanji „16 dana aktivizma“ usmjerenu na borbu protiv nasilja nad ženama i djevojčicama.

Skupština je odobrila dodatno kreditno zaduženje Distrikta kod Evropske banke za obnovu i razvoj čime će biti omogućena realizacija dugo očekivanog projekta izgradnje glavnog transportnog cjevovoda. Za sljedeću godinu najavljena je i rekonstrukcija mosta Brčko-Gunja.

U ovoj godini Skupštini su podnesene tri inicijative za smjenu gradonačelnika, od kojih je prva dobila podršku, druga je bila bez podrške poslanika, dok je treća povučena.

To su bile samo neke od aktivnosti koje su obilježile rad Skupštine u 2023. godini, a o kojima je pisano u ovom broju Biltena.

Za sve sugestije, prijedloge i ideje pišite nam na [info@skupstinabd.ba](mailto:info@skupstinabd.ba) ili na [majak@skupstinabd.ba](mailto:majak@skupstinabd.ba)

Sretna Nova godina!

Urednik Biltena  
Maja Kovačević Gudelj



# IZMJENAMA I DOPUNAMA ZAKONA O BUDŽETU DO BRŽE REALIZACIJE KAPITALNIH PROJEKTA



***Milić: Izmjenama Zakona o budžetu i Zakona o javno-privatnom partnerstvu bit će omogućena brža realizacija kapitalnih projekata***

**S**kupština Brčko distrikta BiH je na 48. redovnoj sjednici usvojila, u drugom čitanju, Izmjene i dopune Zakona o budžetu i Zakona o izvršenju Budžeta Distrikta za 2023. godinu.

U drugom čitanju usvojene su i Izmjene Zakona o platama i drugim naknadama pravobranioca i zamjenika pravobranioca u Pravobranilaštvu Distrikta, izmjene zakona o javno-privatnom

partnerstvu i o državnoj službi u organima javne uprave.

Predsjednik Skupštine Brčko distrikta BiH Siniša Milić rekao je da će Izmjenama Zakona o budžetu i Zakona o javno-privatnom partnerstvu biti omogućena brža realizacija kapitalnih projekata.

Predsjedavajući Zakonodavne komisije Ljubiša Lukić rekao je da su Izmjene Zakona o budžetu usvojene uz devet amandmana od kojih je većina tehničke prirode, osim posljednjeg koji je omogućio projektima za koja su obezbijeđena sredstva u budžetu, a još nemaju građevinsku dozvolu, da uđu u predimplementacionu fazu u kojoj će ostati do realizacije. U Zakonu o platama pravobranioca i zamjenika pravobranioca, kaže Lukić, bila je jedna izmjena, koja se odnosi na to da se korekcija plata vrši tek onda kada prosječna plata u Distriktu dostigne nivo od 1 600 KM, a ne 1 200 KM kako je to bilo u osnovnom zakonu.

U prvom čitanju usvojene su Izmjene Zakona o predškolskom vaspitanju i obrazovanju i Zakona o obrazovanju u osnovnim i srednjim školama Distrikta, te Izmjene Zakona o pravnim licima koje osniva Distrikt kojim će biti omogućeno da se srednje škole u Distriktu konstituišu kao ustanove, odnosno posebna pravna lica.



***Lukić: „Izmjene Zakona o budžetu usvojene uz devet amandmana.“***

Data je saglasnost na Izmjenu Finansijskog plana Zavoda za zapošljavanje Distrikta za 2023. godinu. Direktorica Zavoda Tamara Duvnjak-Mitrović rekla je da će se ovom izmjenom Programu za samozapošljavanje u poljoprivredi na već izdvojenih 500 000 KM za ove namjene dodati još 81 200 KM neutrošenih sredstava iz prošlogodišnjeg Programa za ove namjene.

Ona je navela da će aplikant moći da dobije maksimalno 22 000 KM.



# USVOJEN REBALANS



**N**a 49. redovnoj sjednici Skupština Brčko distrikta BiH usvojila je Prijedlog rebalansa budžeta Distrikta u iznosu od 40 576 539, 85 KM čime je ukupan budžet Distrikta za 2023. godinu povećan na 322 930 300,64 KM.

Predsjednik Skupštine Siniša Milić rekao je da su rebalansom obezbijedena sredstva za realizaciju niza infrastrukturnih projekata, te povećanje plata zaposlenima u javnom sektoru. On je napomenuo da je to dio obaveza preuzetih dogovorom sa Sindikatom Distrikta u vezi s povećanjem plata zaposlenih u javnoj upravi.

*„Obezbijedena su sredstva za jednokratnu novčanu pomoć zaposlenima u javnoj upravi čija plata je manja od 1 200 KM“,* rekao je predsjednik Milić.

Predsjedavajući skupštinske Komisije za budžet Srđan Blažić rekao je da je rebalans usvojen uz četiri amandmana Komisije u kojima su sadržani zahtjevi građana

te da su sredstva u rebalansu obezbijedena preraspodjelom postojećeg novca u budžetu Distrikta za 2023. godinu.

On je dodao da su rebalansom obezbijedena dva i po miliona KM za naknadu štete stočarima nastale usljed afričke kuge svinja, 100 000 KM za potrebe udruženja penzionera, kao i sredstva za subvenciju troškova električne energije,

subvenciju Razvojno-garantnom fondu i za podsticaje u poljoprivredi.

Na 49. redovnom zasjedanju poslanici su usvojili dvanaest odluka o utvrđivanju javnog interesa radi realizacije kapitalnih projekata.

Na ovom redovnom zasjedanju zakletvu je položila novoimenovana revizorka za finansijsku reviziju Distrikta Vedrana Ostojić.





# PRIJEDLOG BUDŽETA DISTRIKTA ZA 2024. GODINU NNA VRIJEME UŠAO U SKUPŠTINSKU PROCEDURU

**P**rijedlog budžeta Brčko distrikta za 2024. godinu u iznosu od 398,9 miliona KM na vrijeme je ušao u skupštinsku proceduru i o njemu su održane dvije javne rasprave.

Predsjedavajući Komisije za budžet Skupštine Brčko distrikta BiH Srđan Blažić rekao je da je u predloženom budžetu 92 miliona KM preneseno

iz kapitalnog budžeta za 2021, 2022. i 2023. godinu, dok kapitalni budžet za 2024. iznosi 28 miliona KM.

„Oko 30 miliona KM su sredstva namijenjena za socijalna i druga davanja kroz Odjeljenje za zdravstvo i Odjeljenje za obrazovanje. Važno je napomenuti da je u ovom prijedlogu budžeta planirano povećanje plata za pet posto što je u

skladu s dogovorom sa Sindikatom Distrikta. Na ovaj način osnovica za obračun plate će sa 700 biti povećana na 735 KM“, pojasnio je Blažić.





# OMOGUĆENO POVEĆANJE PLATA

## ZAPOSLENIMA U ORGANIMA JAVNE UPRAVE

**Filipović:** „Ovim izmjenama obezbijedit će se povećanje plata kako je dogovoreno sporazumom između Vlade i Sindikata Brčko distrikta.“



Filipović je napomenuo da će prvo povećanje plata od pet posto biti operativno odmah nakon usvajanja rebalansa, dok će drugo biti početkom naredne godine, te da su izmjenama zakona definisane i naknade za troškove putovanja do posla.

U prvom čitanju usvojene su Izmjene Zakona o državnoj službi kojim se službenicima i namještenicima omogućuje da budu kandidovani na određene javne funkcije u institucijama i pravnim licima koje je osnovao Distrikt, kao i u institucijama na svim nivoima vlasti u entitetima i na nivou BiH.

Skupština Brčko distrikta BiH je održala 47. redovno zasjedanje na kojem je u drugom čitanju usvojila izmjene i dopune zakona o platama i naknadama zaposlenih u organima javne uprave i institucijama Distrikta, Policiji, pravosuđu i o platama i naknadama korisnika budžetskih sredstava u Skupštini, Izornoj komisiji i Kancelariji za reviziju Brčko distrikta BiH.

Potpredsjednik Skupštine Ivo Filipović rekao je da će se ovim izmjenama obezbijediti povećanje plata kako je dogovoreno sporazumom između Vlade i Sindikata Brčko distrikta.



Predsjedavajući Komisije za budžet Srđan Blažić rekao je da se na ovaj način Zakon o državnoj službi usklađuje sa Zakonom o radu Brčko distrikta BiH.

U prvom čitanju usvojene su i Izmjene Zakona o javno-privatnom partnerstvu. Zamjenik gradonačelnika Brčko distrikta Anto Domić rekao je da je na ovaj način preciziran postupak sprovođenja javno-privatnog partnerstva jer se više ne vrši po Zakonu o javnim nabavkama BiH.



Domić je rekao da Izmjene Zakona o javno-privatnom partnerstvu u Brčko distriktu omogućuju angažovanje konsultanata i da se djelatnosti koje nemaju elemente javno-privatnog partnerstva neće moći realizovati po ovom zakonu. Na 47. redovnom zasjedanju Skupština je usvojila zaključak za besplatne karte za parkiranje vozila za trudnice i porodilje i razmatrana je inicijativa za povećanje iznosa dodatka za tuđu njegu i pomoć nezaposlenim licima oboljelim od malignih oboljenja.



# USVOJEN ZAKON O DJELATNOSTI OSIGURANJA



Skupština Brčko distrikta usvojila je na 36. redovnoj sjednici Zakon o djelatnosti osiguranja u Brčko distriktu.

Predsjednik Skupštine Siniša Milić rekao je da ovaj zakon upućuje na primjenu entitetskih propisa kada je u pitanju rad osiguravajućih društava na području Brčko distrikta, shodno njihovoj registraciji. To znači, pojasnio je Milić, ako je osiguravajuće društvo registrovano u agenciji u Republici Srpskoj onda se primjenjuje zakon iz Republike Srpske, ili federalni zakon ako je društvo registrovano u agenciji u Federaciji BiH.

---

**„Riječ je o jednoj oblasti gdje je i ranije važio entitetski propis koji reguliše ovu materiju, s tim što je važio samo osnovni tekst. Entiteti su mijenjali svoje propise čime su osiguravajuća društva koja djeluju na području Distrikta bila zaključena u svojim pravima. U konsultacijama s drugim institucijama predloženo je ovo rješenje koje je danas dobilo podršku Skupštine Brčko distrikta“, istakao je Milić.**

---

Milić je naveo da je najveću pažnju poslanika na ovom zasjedanju izazvala informacija o isplaćenim nagradama zaposlenih u pravosudnim institucijama Brčko distrikta te da

su svi poslanici podržali inicijativu da se redefiniše sistem nagrađivanja u pravosudnim institucijama od strane Pravosudne komisije s ciljem da se ukine dosadašnji sistem.

„Tokom diskusije preovladao je stav o potrebi da se Pravosudna komisija zamijeni odjeljenjem u Vladi Brčko distrikta koje bi se bavilo tim pitanjem. Prepreka za realizaciju ovog krupnog reformskog zahvata, u okviru reforme kompletne javne uprave, jeste Statut Distrikta Brčko koji predviđa postojanje Pravosudne komisije. Očigledno je da će nam u tom smislu trebati podrška većeg



broja poslanika da bismo ciljano išli na izmjenu Statuta“, rekao je predsjednik Milić.

Predsjednik je napomenuo da je Skupština informisana da Vlada nije pristupila realizaciji projekta E-beba koji bi roditeljima olakšao postupak prijave novorođenčeta

te da je, uz jednoglasnu podršku svih poslanika, ponovo zatraženo od Vlade da bez odlaganja pristupi realizaciji tog projekta i da Skupštinu u roku do 60 dana informiše o onome što je preduzela. Na 36. redovnom zasjedanju usvojeno je niz odluka o utvrđivanju

javnih interesa za realizaciju nekoliko kapitalnih projekata, kao i odluke kojima su poslovni prostori u vlasništvu Distrikta dati na korištenje bez naknade za četiri brčanska udruženja pacijenata: „Život s celijakijom“, „Bubreg“, „Luj Braj“ i „Brčansko srce“.



# USVOJEN ZAKON O SOCIJALNOM STANOVANJU

Skupština je usvojila Zakon o socijalnom stanovanju u Brčko distriktu, po kojem će zahtjev za korištenje socijalnog stana moći da podnesu svi koji imaju veoma mala primanja i nisu u mogućnosti da obezbijede adekvatno mjesto za stanovanje.

Vršilac dužnosti šefa Odjeljenja za raseljena lica, izbjeglice i stambena pitanja u Vladi Brčko distrikta Vedad Zeherović rekao je da u Distriktu imaju 44 stana u četiri zgrade koja se dodjeljuju u svrhu socijalnog stanovanja i da korisnici tih stanova trenutno plaćaju naknadu od jedne

marke po kvadratnom metru. „Ovaj oblik stanovanja, kao ni do sada, neće biti besplatan i korisnici tih stanova morat će plaćati određenu naknadu koju će utvrditi Vlada Distrikta nakon što zakon bude usvojen u drugom čitanju“, istakao je Zeherović





# ŠKOLE POSTAJU PRAVNA LICA

Skupština Brčko distrikta je na 50. redovnom zasjedanju, u drugom čitanju, usvojila Izmjene Zakona o predškolskom vaspitanju i obrazovanju, kao i Izmjene Zakona o obrazovanju u osnovnim i srednjim školama u Distriktu.

Predsjednik Skupštine Siniša Milić rekao je da su se ovim izmjenama stvorile zakonske pretpostavke da školske ustanove u Distriktu Brčko mogu biti pravna lica.

„To će sigurno učiniti kvalitetnijim kako pripremu tako i sam nastavni proces“, rekao je predsjednik Milić.



Poslanik Siniša Golić, govoreći ispred grupe poslanika koji su predlagači ovih izmjena zakona, istakao je da su izmjene u skladu s Okvirnim zakonom o obrazovanju na nivou BiH, te da će sada i u Distriktu upravljачku odgovornost za funkcionisanje škola kao javnih ustanova preuzeti školski odbori. Sljedeći korak je, kaže Golić, izrada elaborata opravdanosti osnivanja srednjih škola te da je ideja da se postojeća Poljoprivredna i medicinska škola razdvoji na dvije i osnuju medicinska škola i poljoprivredno-prehrambena škola.





## DATA SAGLASNOST NA DOPUNU

# PRAVILNIKA O PLATAMA U JZU

Skupština Brčko distrikta BiH je u prvom nastavku 45. redovnog zasjedanja dala saglasnost na Dopunu Pravilnika o platama, naknadama plate i ostalim materijalnim pravima zaposlenih u JZU „Zdravstveni centar Brčko“, a koja se odnosi na umanjeње plata radnika u vrijeme generalnog štrajka.

Predsjednik Skupštine Siniša Milić rekao je da ovo nije represivna mjera jer je štrajk zdravstvenih radnika odavno okončan dogovorom predstavnika radnika i Vlade Distrikta, već da se radi o normativnom zaokruživanju materije koja se tiče prava i obaveza radnika kada je u pitanju generalni štrajk.

„Poslodavac ima pravo na osnovu Zakona o štrajku, a imamo i sudsku praksu koja je to potvrdila, da je neophodno donijeti akte koji će precizirati način plaćanja radnika u vrijeme generalnog štrajka“, pojasnio je Milić.

Milić je istakao da podržava sve aktivnosti Sindikata Brčko distrikta koje su usmjerene na poboljšanje materijalno-pravnog statusa zaposlenih i u javnom i u realnom sektoru, te da su u tom smislu ostvareni značajni pomaci.

„Danas imamo nadležno odjeljenje za rad i radne odnose što je bilo nezamislivo unazad nekoliko mjeseci. Ubrzo će se krenuti u pro-

ces određivanja reprezentativnosti Sindikata, i zaključenja kolektivnog ugovora, i doći će do povećanja plata, ali ne na način na koji to Sindikat traži. Treba nastaviti pregovore bez ulaska u generalni štrajk jer sam siguran da ima prostora za jedan kvalitetan dogovor koji će, naročito ispoštovati one s najnižim primanjima u Brčko distriktu“, rekao je predsjednik Milić.

Predsjednik smatra da je gro problema u javnom sektoru nastalo 2019. godine kada je donesen novi zakon o platama ističući da je jedini bio protiv tog zakona koji je, kako kaže, propustio da vrednuje i one službe koje rade u posebnim uslovima.



# ODOBRENA STRATEGIJA ZA RAZVOJ SPORTA

Skupština je na 43. redovnoj sjednici odobrila Strategiju razvoja sporta u Distriktu za period 2023. – 2028. godina.

Usvojen je zaključak kojim se za-  
dužuje Vlada Distrikta da na pri-  
jedlog Odjeljenja za privredni raz-

voj, sport i kulturu u roku od šest  
mjeseci od dana donošenja ovog  
zaključka usvoji program razvoja  
sporta Brčko distrikta za period  
2024. – 2028. godina,  
Skupština je obavezala Vladu da, u  
skladu sa Strategijom, u rebalansu

bužeta za 2023. godinu predloži  
finansijska sredstva namijenjena  
za unapređenje školskog sporta.  
Ta sredstva, nakon usvajanja re-  
balansa, treba da budu operativna  
do početka iduće školske godine.





# USVOJENA STRATEGIJA ZA MLADE ZA PERIOD 2022–2026. GODINA



Skupština Brčko distrikta usvojila je na 39. redovnoj sjednici Strategiju za mlade za period 2022–2026. godina.

Predsjednik Skupštine Siniša Milić rekao je da Strategija za mlade Brčko distrikta sama po sebi ne rješava probleme mladih te da je potrebno izraditi akcijske planove i angažovati relevantna Vladina odjeljenja da bi Strategija zaživjela. „Zajedno s reformom javne uprave treba sagledati rješenja gdje bi se sva ova pitanja vezana za mlade, porodicu i sport objedinila kroz jedan organizacioni oblik – odsjek

ili odjeljenje. Siguran sam da bi to bio način za efikasnije rješavanje sve te problematike koja danas opterećuje mlade“, rekao je Milić.

Šef Odjeljenja za stručne i administrativne poslove u Vladi Brčko distrikta Nedim Hamzabegović rekao je da Strategija sadrži niz mjera, prije svega, formiranje odsjeka za mlade pri Vladinom Pododjeljenju za podršku mjesnim



zajednicama i nevladinim organizacijama i sprovođenje programa zapošljavanja i samozapošljavanja mladih.



## ESED KADRIĆ RAZRIJEŠEN DUŽNOSTI GRADONAČELNIKA, ZA NOVOG IZABRAN ZIJAD NIŠIĆ

Skupština Brčko distrikta BiH je na 12. vanrednoj sjednici razriješila dužnosti gradonačelnika Eseda Kadrića iz SDA. Odluka o razrješenju usvojena je sa 20 glasova za, šest protiv i tri suzdržana glasa, uključujući potrebne afirmativne glasove.

Na ovoj sjednici izabran je novi gradonačelnik iz Stranke za BiH Zijad Nišić koji je bio jedini kandidat za novog gradonačelnika, a predložio ga je njegov stranački kolega u skupštinskim klupama, poslanik Mehmedalija Karamujić. Za ovaj prijedlog od 29 poslanika koliko je glasalo, za je bilo 23, dok je njih šest bilo suzdržano, a nakon glasanja Nišić je položio zakletvu pred poslanicima Skupštine. Zahtjev za smjenu bivšeg gradonačelnika Eseda Kadrića iz SDA, podnijelo je sedam poslanika iz SBiH, SBB-a, SDP-a, NiP-a i poslanik iz romske nacionalne manjine, uz obrazloženje da Distrikt nije na stepenu razvoja na kojem bi trebao biti. Zahtjev je dostavljen Skupštini prvog marta.





# NIJE PODRŽANA INICIJATIVA ZA SMJENU GRADONAČELNIKA

Skupština Brčko distrikta BiH na 15. vanrednoj sjednici nije podržala inicijativu sedam bošnjačkih poslanika da se Zijad Nišić razriješi dužnosti gradonačelnika.

Protiv ove inicijative bilo je pet poslanika, 16 ih je bilo suzdržano, dok je za smjenu aktuelnog gradonačelnika glasalo osam poslanika.







## MILIĆ I STEVANDIĆ RAZGOVARALI O ZAJEDNIČKIM PROJEKTIMA SRPSKE I DISTRIKTA

**P**redsjednik Skupštine Brčko distrikta Siniša Milić razgovarao je u Banjoj Luci s predsjednikom Narodne skupštine Republike Srpske Nenadom Stevandićem o zajedničkim projektima u korist svih naroda u Distriktu i o koordinaciji zajedničkih politika unutar Distrikta za koje Republika Srpska ima nadležnost.

Na sastanku, kojem je prisustvovao i poslanik Skupštine Brčko distrikta Dražen Vrkačević, razgovarano je i o unapređenju rada Kancelarije Vlade Republike Srpske u Brčkom kako bi bila korisna ne samo građanima s entitetskim državljanstvom nego i institucijama Distrikta. Predsjednik Milić je istakao da potreba koordinisanja zajedničkih

politika proizilazi iz činjenice da je Brčko distrikt kondominij ili zajedničko vlasništvo dva entiteta, te da u određenim oblastima Srpska ima i direktne nadležnosti, navodeći kao primjer zakone Srpske koji se direktno primjenjuju na njene državljane u Distriktu kao što su Zakon o PIO i Zakon o osnovnim pravima boračkih kategorija.



Milić je podsjetio da je zahvaljujući angažmanu Vlade i Narodne skupštine Srpske izjednačen položaj višečlanih porodica koje žive u Brčko distriktu kada je riječ o davanju pomoći za njih, uz uslov da su državljani Republike Srpske.

Osvrćući se na jučer održanu zajedničku sjednicu vlada dva entiteta, Milić je rekao da je poslata snažna politička poruka koja će doprinijeti stabilizaciji odnosa i na prostoru Brčko distrikta.

***„Distrikt je, u okviru svojih nadležnosti, spreman da da svoj doprinos deeskalaciji situacije na prostoru BiH i tome da ne bude blokada razvojnih projekata, kao ni zaštoja u razvoju“, rekao je Milić na konferenciji za medije koja je održana nakon sastanka.***

Predsjednik Narodne skupštine Republike Srpske Nenad Stevandić naglasio je da unutrašnji dijalog, u principu, kreira stabilnost BiH i bolji privredni ambijent te ocijenio da je nova era odnosa u BiH počela jučerašnjom zajedničkom sjednicom dvije entitetske vlade.

Stevandić je istakao da je Brčko distrikt primjer dobrog unutrašnjeg dijaloga i dogovora i da zbog toga u Distriktu ima najmanje političkih kriza.

***„Republika Srpska će nastaviti da bude vidljiv faktor kroz unapređenje raznih procesa, kao što je ubrzanje procesa izgradnje autoputa koji će imati veliki značaj za***



***Brčko. Prije dva mjeseca direktor bolnice Brčko potpisao je sporazum sa UKC u Banjoj Luci kojim je omogućeno brže i lakše liječenje pacijenata. Nastavit ćemo s radom***

***i na poboljšanju privrednog ambijenta i kvaliteta života svih građana Distrikta“, poručio je Stevandić i najavio uzvratnu posjetu Skupštini Brčko distrikta BiH.***



# RADNI SASTANAK S PREDSEDVAJUĆIM ARBITROM ARBITRAŽNOG TRIBUNALA ZA BRČKO



**P**redsjednik i potpredsjednik Skupštine Brčko distrikta BiH Siniša Milić i Ivo Filipović, gradonačelnik i njegov zamjenik Esed Kadrić i Anto Domić održali su u Gradskoj vijećnici radni sastanak s predsjedavajućim arbitrom Arbitražnog tribunala za Brčko Johnom Clintom Williamsonom i supervizorom za Brčko Jonathanom Mennutijem

Na sastanku je razgovarano o aktuelnim izazovima s kojima se suočavaju Vlada i Skupština Distrikta kao što je inflacija koja je pogodila mnoge kat-

egorije stanovništva, ali i preduzetim mjerama ka umanjenju njenih efekata. Riječi je bilo i o unapređenju privrednog razvoja i reformi upravnog sistema te njegovog usklađivanja s evropskim standardima.

Čelnici su arbitra informisali o aktuelnoj političkoj situaciji i funkcionisanju institucija u Distriktu. Arbitra Williamsona upoznali su s funkcionisanjem novih institucija – Komisije za odlučivanje o sukobu interesa i Kancelarije za prevenciju korupcije i koordinaciju aktivnosti na suzbijanju korupcije.

Arbitar Williamson pohvalio je zajedničko djelovanje Vlade i Skupštine na blagovremenom i transparentnom usvajanju budžeta te izrazio zadovoljstvo dosadašnjim radom izvršne i zakonodavne vlasti Distrikta i sprovođenjem Naloga supervizora o spomenicima u Brčkom o izgradnji spomenika civilnim žrtvama rata, čije će otvaranje biti upriličeno narednog mjeseca. Arbitar Williamson je prethodno boravio u Distriktu na sastanku sa zvaničnicima u novembru 2021. godine.



# ODOBRENO DODATNO KREDITNO ZADUŽENJE ZA PROJEKT „VODOSNABDIJEVANJE BRČKO“

Skupština Brčko distrikta BiH je na započetoj 52. redovnoj sjednici usvojila Odluku o dodatnom kreditnom zaduženju Distrikta kod Evropske banke za obnovu i razvoj za realizaciju projekta „Vodosnabdijevanje Brčko“. Dodatno kreditno zaduženje je isto kao i prvobitno i iznosi 6 500 000 eura.

Predsjednik Skupštine Siniša Milić rekao je da je Skupština ovu odluku podržala većinom glasova uz zaključak kojim se zadužuje vladino Odjeljenje za komunalne poslove da Skupštini dostavi svu neophodnu dokumentaciju i informaciju o tome kako je došlo do promjene projekta, a naročito u pogledu promjene cijevi koje se ugrađuju jer je tu, napominje, bilo najviše primjedbi i sumnji poslanika.

Predsjednik Milić je dodao i da je Odjeljenje obavezano da izvještava Skupštinu o realizaciji ovog projekta svaka tri mjeseca.

*„Poslanici su tražili da im se obrate i predstavnici Evropske banke za obnovu i razvoj i konsultant kako bi im dali dodatna pojašnjenja. Informisani smo o tome da je projektni zadatak došao od strane Brčko distrikta i promjena tih materijala je bila na zahtjev Brčko distrikta. Upravo iz tih razloga smo tražili dodatne informacije kroz zaključak kako bi se informisali o razlozima koji su doveli do poskupljenja ovog projekta“,* istakao je predsjednik.



On je podsjetio da se projekat odnosi na izgradnju glavnog transportnog cjevovoda trasom obilaznice od fabrike vode u naselju Plazulje do naselja Potočari te da će se na taj način riješiti problem vodos-

nabdijevanja većeg dijela Distrikta. Prije početka 52. redovne sjednice Skupština Distrikta okončala je 51. redovno zasjedanje. Datum i vrijeme nastavka 52. redovne sjednice bit će naknadno utvrđeni.



# RADOVI NA REKONSTRUKCIJI

## MOSTA BRČKO-GUNJA

### POČINJU SLJEDEĆE GODINE



**P**redsjednik Skupštine Brčko distrikta Siniša Milić rekao je da će, prema informacijama koje su stigle iz Vijeća ministara BiH, građevinski radovi na rekonstrukciji mosta Brčko-Gunja početi sljedeće godine.

*„Uvjereni smo da će se stvari odvijati određenom dinamikom. Mislim da smo uspostavili dobru komunikaciju sa Hrvatskom. Ono što je također važno za nas to je da što prije dobijemo prostorno-plansku dokumentaciju kojom će biti definisan i položaj novog mosta kako bi problem odvijanja saobraćaja na ovom graničnom prelazu bio riješen prema standardima“,* rekao je Milić na konferenciji za novinare.

Milić je istakao da je ratifikacija sporazuma između BiH i Hrvatske u vezi sa rekonstrukcijom graničnog mosta Brčko-Gunja preko rijeke Save dokaz da se sinergijom onih koji su uključeni u ovaj proces može doći do rješenja koje je u interesu Brčko distrikta.

Dodao je da se granični prelaz koji se trenutno koristi nalazi u centru grada i da to nije adekvatno rješenje te da očekuje da će se taj problem riješiti izgradnjom novog mosta.

*„Očekujem da ćemo to raditi u sinergiji svih onih koji su zainteresovani za rješavanje problema“,* istakao je Milić.

Koordinator Brčko distrikta pri Vijeću ministara BiH Miroslav Gavrić rekao je da su posljednjih sedam mjeseci intenzivirane aktivnosti na rekonstrukciji mosta i da je rekonstrukcija samo privremeno rješenje za teretna vozila dok se ne izgradi novi most za čiju gradnju se traže sredstva od EU.

*„Javno preduzeće Putevi Brčko će uzeti svoje učešće u onom dijelu koji se odnosi na pristupne puteve, a što se tiče rekonstrukcije samog mosta ona se nije mogla ni početi bez opšteg sporazuma između Hrvatske i BiH kojim je definisan način rekonstrukcije i ostalih radova vezanih za to“,* rekao je Gavrić. On je dodao da Distrikt svake go-





dine od Vijeća ministara dobija grant od 70 000 KM za tekuće održavanje mosta i da taj novac ide Javnom preduzeću „Putevi Brčko“, ali da se ta sredstva sada ne koriste jer se čeka rekonstrukcija mosta.

Gradonačelnik Brčkog Zijad Nišić rekao je da za ove poslove Distrikt nema budžetskih implikacija već samo zadatak da obezbijedi pristupni put za most.

Nišić je podsjetio da su se BiH i Hrvatska potpisivanjem sporazuma od 12. oktobra obavezale da zajednički finansiraju rekonstrukciju mosta.

*„Po nekim okvirnim procjenama on bi iznosio oko 10 miliona KM. Hrvatska bi uložila oko pet miliona, isto toliko i BiH“, rekao je Nišić.*

Nišić je istakao da su zbog obustave saobraćaja za teretna vozila preko graničnog mosta Brčko-Gunja nanesene štete privredi, poljoprivredi i turizmu Brčko distrikta. Saobraćaj za teretna vozila i autobuse preko graničnog mosta Brčko-Gunja potpuno je obustavljen 24. januara 2019. godine zbog teških oštećenja.

Predstavnički dom Parlamentarne skupštine BiH je na 12. sjednici

dao saglasnost na ratifikaciju sporazuma između Vijeća ministara BiH i Vlade Hrvatske o rekonstrukciji graničnog mosta Brčko-Gunja preko rijeke Save.

Tim povodom gradonačelnik Brčkog Zijad Nišić održao je konferenciju za medije kojoj su prisustvovali i predsjednik Skupštine Brčko distrikta Siniša Milić, koordinator Brčko distrikta pri Vijeću ministara BiH Miroslav Gavrić, zamjenik gradonačelnika Brčko distrikta Anto Domić i koordinator Vlade Distrikta Željko Antić. Nakon konferencije za medije obišli su most.



# UVEDEN E-PARLAMENT, SISTEM ELEKTRONSKOG VOĐENJA SJEDNICA

*„Skupština Distrikta je uvođenjem E-parlamenta, a nedavno i elektronskog glasanja najviše odmakla u digitalizaciji svojih radnih procesa“, istakao je predsjednik Milić.*



Skupština Brčko distrikta BiH je 10. maja uvela E-parlament, sistem za elektronsko vođenje sjednica i prva je zakonodavna institucija u BiH koja je uspješno implementirala ovaj sistem.

Predsjednik Skupštine Siniša Milić rekao je u izjavi novinarima da je primarni cilj uvođenja e-parlamenta da se iz upotrebe izbaci štampanje radnog materijala jer će taj materijal poslanici sada ima-

ti u elektronskoj formi na svojim računarima čime će se ubrzati, pojednostaviti i pojeftiniti radni procesi.

Sistem E-parlamenta održavat će Stručna služba Skupštine Brčko distrikta koja je za njegovo uvođenje obezbijedila svoju hardversku i mrežnu infrastrukturu.

E-parlament je implementirala Kompanija za informacione i komunikacione tehnologije Nekstsens

(Nextsense) iz Makedonije u saradnji sa IT kompanijom Kloud IT (Cloud IT) iz Sarajeva, a projekat je finansiran od strane Evropske unije.

Glavni operativni direktor Nekstsensa Igor Andonovski rekao je da se nada da će ovaj sistem početi da koriste i drugi parlamenti u BiH i da ga je od 2008. godine do danas kompanija implementirala na području Jugoistočne i Istočne Evrope, Afrike i Azije.



# SKUPŠTINA UVELA REGISTAR DONACIJA



Nakon što je uveden softverski modul elektronskog glasanja i prvi informacijski sistem Elektronskog parlamenta u BiH, Stručna služba Skupštine Brčko distrikta je sada samostalno implementirala web-aplikaciju registra donacija udruženjima građana, sportskim kolektivima i vjerskim zajednicama s područja Distrikta. Registar je dostupan na internet stranici Skupštine. Predsjednik Skupštine Brčko distrikta BiH Siniša Milić je rekao da su prednosti ovog registra višestruke te da aplikacija omogućava transparentnost u pogledu trošenja javnih sredstava.

„Građani imaju pristup informacijama o tome kako se sredstva koriste i mogu provjeriti je li novac ispravno utrošen. Registar potiče odgovornost organizacija koje primaju sredstva. Kada su finan-

sijske transakcije javno dostupne, udruženja su sklonija odgovornom korištenju novca i pridržavanju finansijskih pravila. I na kraju, Registar omogućava građanima da na osnovu tih informacija donesu odluke o podržavanju određenih organizacija ili doniranju novca“, rekao je predsjednik Milić.

On je naveo da je Registar programirao administrator za informacione tehnologije u Stručnoj službi Skupštine, po struci diplomirani inženjer elektrotehnike Stefan Marjanović.

Marjanović je rekao da je Registar web-aplikacija koja prati novčani tok donacija Skupštine udruženjima građana, sportskim kolektivima i

vjerskim zajednicama, kao i pravljenje utroška tih sredstava od strane korisnika za tri godine.

„Do sada je u Registar uneseno 312 izvještaja o utrošku doniranih budžetskih sredstava za 2022. i 2021. godinu, koje je podnijelo 95 udruženja građana, sportskih kolektiva i vjerskih zajednica. Podaci se unose i dalje, kontinuirano, kako nam pristignu izvještaji. Unijet ćemo i podatke za 2019. godinu“, naveo je Marjanović.

Marjanović je dodao da Stručna služba Skupštine radi na novim web-aplikacijama koje će olakšati i modernizovati sve poslovne procese koji se odvijaju unutar Skupštine.



Administrator IT sistema - Stefan Marjanović



# SKUPŠTINA DONIRALA SERVER

## ZA PROGRAMIRANJE

## TEHNIČKOJ ŠKOLI

„Otpisana oprema je u ispravnom stanju zbog čega smo odlučili da je poklonimo učenicima Tehničke škole kako bi mogli da na njoj vježbaju praktičnu nastavu i uče serverske programske jezike i instaliraju web-servise. Osim servera i grafoskopa, Tehničkoj školi donirat ćemo, u narednom periodu, i drugu računarsku opremu, kao što su laptop-računari i kopir-aparati“, rekao je Marjanović.



Skupština Brčko distrikta BiH donirala je IBM server za programiranje Tehničkoj školi kao i prenosni grafoskop za održavanje prezentacija.

Stefan Marjanović, administrator za Informaciono-telekomunikacioni sistem u Skupštini, rekao je da je ovo samo dio računarske opreme koju će Skupština da donira Tehničkoj školi, te da je tu

opremu Skupština ranije koristila i da je nakon znavljanja otpisana. Direktor Tehničke škole Dejan Nikolić rekao je da će donirana računarska oprema mnogo značiti i učenicima i profesorima najviše zbog praktične nastave gdje uče programiranje, ali i dijelove računarske opreme, sklapanje i rasklapanje računara.

Nikolić je pozvao i ostale instituci-

je u Distriktu da učine isto, jer će tako doprinijeti održavanju praktične nastave u Tehničkoj školi.

Profesor informatike u Tehničkoj školi Borislav Subašić rekao je da će zahvaljujući serveru koji je Skupština donirala učenici moći da rade Klijent-server programiranje što je jedan novi nivo programiranja na kojem, kako je rekao, do sada nisu imali priliku da rade.



# ODOBRENA FINANSIJSKA POMOĆ POPLAVLJENIM PODRUČJIMA U BIHAĆU, KOSTAJNICI I ČELIĆU

Poslanici Skupštine Brčko distrikta BiH su podržali odluku o izdvajanju novčanih sredstava iz sredstava rezervi za pomoć poplavljenim područjima u Bihacu, Kostajnici i Čeliću.

Potpredsjednik Skupštine Ivo Filipović istakao je da će te lokalne zajednice od Distrikta dobiti po 30 000 KM.

*„Taj iznos nije veliki, ali će sigurno biti od pomoći ovim opštinama. Distrikt je humana zajednica i želimo pomoći svima koji su ugroženi,“ poručio je Filipović.*



## USVOJENA INICIJATIVA ZA UVOĐENJE BESPLATNE KARTE ZA TRUDNICE I PORODILJE

Na 41. redovnom zasjedanju Skupština Brčko distrikta je usvojila inicijativu za uvođenje besplatne parking karte za trudnice i porodilje u Brčko distriktu. Inicijativa je usvojena uz zaključak kojim Skupština zadužuje Javno preduzeće „Putevi Brčko“

da u roku od 60 dana u skupštinsku proceduru dostavi na razmatranje i usvajanje prijedlog koji će omogućiti besplatne parking karte za trudnice i porodilje s prostora Distrikta.

Poslanik Abdulah Iljazović koji je predlagač inicijative zajedno s po-

slanikom Srđanom Blažićem rekao je da je to dio pronatalitetne politike te da je prijedlog da besplatne parking kartice za trudnice i porodilje budu roze boje koje će im biti uručene po odobrenju zahtjeva uz koji će trebati da prilože i ljegarsku potvrdu.







## KOMISIJA ZA RAVNOPRAVNOST SPOLOVA U SAVJETODAVNOM TIJELU ZAJEDNIČKOG PROJEKTA „LARE“ I „INFOHAUSA“

**K**omisija za ravnopravnost spolova Skupštine Brčko distrikta zajedno sa još nekoliko institucija Distrikta član je savjetodavnog tijela u projektu „Međusektorsko partnerstvo za ljudska prava i rodnu ravnopravnost na tržištu rada“,

Projekat u Bosni i Hercegovini provodi Fondacija „Lara“ iz Bijeljine zajedno s Fondacijom „Infohaus“ iz Sarajeva.

Memorandum o saradnji na ovom projektu, krajem aprila, potpisali su predstavnici skupštinske Komisije za ravnopravnost spolova, Zavoda za zapošljavanje,

Vladinog Odjeljenja za evropske integracije, Saveza sindikata i Udruženja poslodavaca.

Predsjedavajući skupštinske Komisije za ravnopravnost spolova Senad Osmanović je rekao da je činjenica da su muškarci više plaćeni od žena za iste poslove i da je to najviše izraženo u realnom sektoru te da se takva praksa mora promijeniti u budućnosti jer su, priznaje, žene vrednije i odgovornije u poslu od muškaraca.

„Ima napretka, ali i prostora za još bolje djelovanje pogotovo u zakonskim regulativama“, poručio je Osmanović na prezentaciji projekta.

Admir Galijatović, šef Sektora za posredovanje pri zapošljavanju u Zavodu za zapošljavanje Brčko distrikta rekao je da se na evidenciji Zavoda nalazi oko 13.500 nezaposlenih lica, od kojih su više od polovine žene.

Galijatović je rekao da je Zavod imao tek nekoliko žalbi od žena koje su poslodavci prilikom razgovora za posao pitali o planiranju porodice, te da je u nagovještaju bilo da bi mogle dobiti otkaz u slučaju da odu na porodiljsko bolovanje. Koordinatorica projekta za Fondaciju „Lara“ Ljilja Lukić rekla je da će se u prvom dijelu projekta u pet firmi koje će biti odabrane na osn



ovu javnog poziva na području BiH provesti istraživanje o ravnopravnosti spolova na tržištu rada te da će se u zavisnosti od rezultata tog istraživanja predložiti promjene određenih zakonskih okvira.

*„Jedna od aktivnosti bit će da se uradi analiza domaćeg zakonodavstva u poređenju sa zakonodavstvom Evropske unije i sigurno je da će biti amandmana na neke zakone. Kod nas se često dešava da naši zakoni nisu loši, ali negdje u provođenju zakažemo. Velika uloga će tu biti inspekcije rada koju ćemo, također uključiti u projekat“, rekla je Lukićeva.*

Navela je da domaće tržište rada nije gender senzibilno te da su mnoge žene prilikom razgovara za posao izložene pitanjima o trudnoći i bračnom stanju i na osnovu toga ocjenjivane.

U drugom dijelu projekta, istakla je Lukićeva, bit će uključene i organizacije civilnog društva iz manjih sredina u kojima će se projekat sprovoditi.

*„U taj dio projekta bit će uključeno 10 firmi iz cijele BiH i 200 žena. Planirana je izrada informaciono-tehnoloških alata koji će služiti za prijavu kršenja radnih i rodnih prava“, navela je Lukićeva.*

Memorandumi o saradnji na projektu su potpisani i s institucijama u Banjaluci i Sarajevu. Projekat finansira Evropska unija i trajat će 30 mjeseci.





# SKUPŠTINA PODRŽALA KAMPANJU

## „16 DANA AKTIVIZMA“



Skupština Brčko distrikta BiH i ove godine podržala je kampanju „16 dana aktivizma“ koju OSCE, u saradnji s Omladinskim centrom Vermont, realizuje nizom aktivnosti, a u cilju zaustavljanja rodno zasnovanog nasilja.

Jedna od tih aktivnosti bila je i podjela promotivnog materijala poslanicima u Skupštini prije početka nastavka 52. redovnog zasjedanja.

Moto ovogodišnje kampanje je „Spriječi! Zaštiti! Radi za preživjele! Čini da prestane rodno zasnovano nasilje“!

Kampanja je počela 25. novembra na Svjetski dan borbe protiv nasilja nad ženama i djevojčicama, a završava se 10. decembra, kada se obilježava Međunarodni dan ljudskih prava.









# ODRŽAN OKRUGLI STO NA TEMU „INSTITUCIONALNI OKVIR ZA RAVNOPRAVNOST SPOLOVA NA NIVOU BRČKO DISTRIKTA BiH“



U okviru kampanje „16 dana akU okviru kampanje „16 dana aktivizma protiv rodno zasnovanog nasilja“ u Skupštini Brčko distrikta BiH danas je održan okrugli sto na temu „Institucionalni okvir za ravnopravnost spolova na nivou Brčko distrikta BiH“ s ciljem analize efikasnosti postojećih politika i institucionalnog okvira za ravnopravnost spolova u Distriktu i donošenja novih ili unapređenja postojećih mehanizama za ravnopravnost spolova.



Organizatori okruglog stola bili su Komisija za zaštitu ljudskih prava i Komisija za ravnopravnost spolova Skupštine Brčko distrikta u saradnji s Misijom OSCE-a u BiH. Predsjedavajuća skupštinske Komisije za zaštitu ljudskih prava Milijana Simić rekla je da je neophodno urediti zakonski okvir i politike za rodnu ravnopravnost te da Distrikt ima Akcioni plan za rodnu ravnopravnost, koji još nije implementiran.



„Nikad neću biti zadovoljna položajem žena u društvu, posebno u politici i institucijama. Mislim da su žene zapostavljene na radnim mjestima i nisu jednako plaćene za iste poslove kao i muškarci“, istakla je Simićeva.

Predsjedavajući skupštinskom Komisijom za ravnopravnost spolova Senad Osmanović rekao je da bi Distrikt trebao više pažnje da posveti pitanjima o ravnopravnosti spolova nego do sada, o čemu, kaže, svjedoči broj žena poslanika u Skupštini kojih ima 3 od 31 poslanika.

„To je rezultat izbora koji se provode, ali i stranke treba više da se pozabave zastupljenosti žena u političkom životu“, poručio je Osmanović.

Službenica za rodna pitanja u Kancelariji šefa Misije OSCE-a u



BiH Lejla Mamut rekla je da su žene podzastupljene u mnogim sferama života, posebno u politici. Mamutova, koja se unutar Misije OSCE-a u BiH, bavi i učešćem žena u političkom životu u BiH, rekla je da je broj izabranih žena u svim zakonodavnim tijelima na svim nivoima vlasti u BiH i dalje ispod 30 posto.

Okruglom stolu prisustvovali su članovi komisija, zaposleni u Stručnoj službi Skupštine, predstavnici Policije, Vlade, Tužilaštva, Pravosudne komisije i Centra za mentalno zdravlje Brčko distrikta, te Institucije ombudsmana za ljudska prava, predstavnici civilnog sektora kao i Vijeća mladih i nacionalnih manjina Distrikta.





# U MARTU I NOVEMBRU ODRŽANE KONFERENCIJE O ZELENOJ ENERGIJI



**N**aš grad je krajem marta i novembra bio domaćin dvije konferencije iz oblasti zelene energije koje su poslužile kao osnov za razgovore o saradnji s međunarodnim institucijama, posebno s Evropskom unijom u vezi s korištenjem njenih fondova za finansiranje projekata iz ove oblasti. Konferencije je organizovala parlamentarna grupa „Zeleni klub“ u saradnji sa Skupštinom i Vladom Brčko distrikta, uz podršku GIZ-a.

Prva konferencija, koja je održana krajem marta pod nazivom „Brčko distrikt BiH – izazovi energetske tranzicije“, bila je posvećena energetske tranziciji i reformama neophodnim u oblastima opšteg zelenog dogovora.

Na drugoj konferenciji, koja je održana krajem novembra pod nazivom „Zelena energija i urbana mobilnost“, predstavljeni su

strateški dokumenti Brčko distrikta BiH, zakoni i podzakonski akti, trenutne globalne inicijative, trendovi u razvoju zelene energije, urbana mobilnost u jedinicama lokalne samouprave u BiH, te dobre prakse u implementaciji mjera i projekata kao i izazovi opšteg međunarodnog sporazuma i energetske tranzicije za Brčko i BiH. Istaknuto je da je Distrikt, u cilju očuvanja životne sredine, donio nekoliko zakona i to: Zakon o energetskej efikasnosti, Zakon o električnoj energiji i Zakon o obnovljivim izvorima energije. Donesena je i Strategija razvoja Brčko distrikta za period 2021–2027. godina i Strategija zaštite životne sredine, a radi se i na utopljanju objekata institucija.

Jedna od obaveza Distrikta je da do 2030. godine smanji emisiju ugljen-dioksida za 40 posto.









# OTVORENA KANCELARIJA TURISTIČKE ORGANIZACIJE



**D**anas, na Svjetski dan turizma, u Brčkom je na Trgu mladih svečano otvorena kancelarija Turističke organizacije Brčko distrikta BiH.

Predsjednik Skupštine Brčko distrikta Siniša Milić, koji je prisustvovao otvaranju, rekao je da će se ići na izmjenu Zakona o turizmu da bi se boravišna taksa preusmjerila na finansiranje Turističke organizacije kako bi se unaprijedile njene aktivnosti.

Milić je istakao da se na ovom planu može još mnogo toga uraditi te da u tom pogledu Ekonomski fakultet Brčko radi na uvođenju novog smjera iz oblasti menadžmenta u turizmu.

„Sigurno je da je turizam neiskorištena privredna grana kada je u pitanju Distrikt Brčko.

*Imamo određene turističke potencijale. Ovo je sada stvaranje organizacionih pretpostavki da se ti potencijali iskoriste*“, rekao je Milić u izjavi novinarima.

Vršilac dužnosti direktora Turističke organizacije Brčko distrikta Miloš Stankić rekao je da je u toku izrada web-stranice Turističke organizacije koja će javnosti biti dostupna za mjesec dana.

„Tu ćemo da objedinimo sve sadržaje, sve manifestacije, restorane, hotele koji se nalaze u našem gradu““, rekao je Stankić.

Najavio je i izradu strategije razvoja turizma Brčko distrikta te seminar u decembru za lokalno stanovništvo s ciljem unapređenja njegovog znanja o razvoju turizma i kreiranja konceptualnog turističkog sadržaja na području Distrikta.

Član Upravnog odbora Turističke organizacije Brčko distrikta Aleksandar Đurić napomenuo je da će kancelarija biti dostupna svim građanima Distrikta i turistima te da će se u njoj moći dobiti informacije o turističkoj ponudi Distrikta, vodičima i ostalim aktivnostima ove organizacije.

Đurić je napomenuo da je nakon epidemije korona virusa zabilježen rast broja posjeta Distriktu za 10 do 12 posto te da u prosjeku godišnje bude između petnaest i dvadeset pet hiljada posjeta i da dominiraju turisti iz Srbije, Hrvatske i Slovenije. Turistička organizacija Brčko distrikta BiH formirana je početkom januara ove godine s ciljem da radi na razvoju i unapređenju turističke ponude u ovoj lokalnoj zajednici, ali i da nastavi aktivnosti koje je do tada obavljala Služba za turizma Vlade Brčko distrikta BiH.





# 140 GODINA TRGOVAČKE ŠKOLE U BRČKOM

**P**redsjednik Skupštine Brčko distrikta BiH Siniša Milić rekao je povodom obilježavanja 140 godina od formiranja Trgovačke škole u Brčkom da je to period razvoja ekonomske misli na ovom prostoru.

Milić je poručio da je znanje samo jedan segment vaspitanja te da svi zajedno moraju učiniti mnogo više da djeca koja izlaze iz obrazovnog sistema, prije svega, budu dobri ljudi jer, ističe, nije nebitno u kojem pravcu će djeca svoja znanja upotrebljavati.

Milić koji je prisustvovao centralnoj svečanosti povodom jubileja u organizaciji Ekonomske škole rekao je da je ovo izazovni period jer se „Kroz izmjene zakona krenulo u ozbiljnu

reformu koja podrazumijeva da škole u Distriktu Brčko postanu pravna lica. To znači da bi se cijeli sistem upravljanja trebao vratiti školama. Mislim da je to iskorak koji će sigurno omogućiti bolje funkcionisanje školskog sistema kod nas pa tako i Ekonomske škole. Čestitam ovaj jubilej svima zaposlenima u Ekonomskoj školi, đacima i svima nama“, rekao je Milić novinarima uoči početka svečanog obilježavanja 140 godina Trgovačke škole u Brčkom.

Gradonačelnik Brčkog Zijad Nišić rekao je da je Ekonomska škola brend grada, da su znanja, vještine i iskustva koja su proizvedena u toj školi oblikovala grad i učinili ga privrednim, ekonomskim i trgovačkim, ali i kulturnim centrom u regionu.

„Znanje je kapital s najvećom kapitalnom stopom i ova škola je bila temelj razvoja ove lokalne zajednice“, rekao je Nišić.

Direktorica Ekonomske škole u Brčkom Zora Pajkanović podsjetila je da je Trgovačka škola bila prva stručna škola u Brčkom, a druga u BiH, da je prva generacija imala desetak đaka te da su se kasnije, iz nje, osnovale Ekonomska škola i Ugostiteljska škola.

Pajkanovićeva je napomenula da je Trgovačka škola bila smještena u zgradi u kojoj se danas nalazi Četvrta osnovna škola i da je zemljište za izgradnju zgrade Trgovačke škole poklonila Srpska pravoslavna crkva. „Istorija škole bila je vrlo bur



na. Premještala se iz zgrade u zgradu. Zgrada u kojoj je danas smještena Ekonomska škola izgrađena je sredinom prošlog vijeka. Računamo da je kao Ekonomska škola počela da radi 1923. godine i zato govorimo o 100 godina ekonomskog obrazovanja u Brčkom i uvijek naglašavamo da je iz Ekonomske škole prvo proizašla Viša ekonomska škola, a kasnije i Ekonomski fakultet“, rekla je Pajkanovićeva.

Ona je istakla da Ekonomsku školu ove školske godine pohađa manje đaka nego ranijih godina, i da ih ima 650.

„Ranijih godina bilo je oko 700 đaka. U prvom razredu imamo osam smjerova, u starijim razredima imamo još smjerova, tako da ukupno imamo oko dvanaest smjerova svake godine. Nastojimo da uvodimo nove smjerove. Ove godine uveli smo smjer finansijski tehničar. Kada

vidimo da postoji interes đaka za određeni smjer mi to i vratimo ukoliko je smjer ukinut. Prilagođavamo se tržištu“, rekla je Pajkanovićeva.

Ekonomska škola ove godine, osim 140 godina Trgovačke škole obilježava i 100 godina Ekonomske škole i 55 godina Ugostiteljske škole.

Jubileje je obilježila trodnevnim aktivnostima koje su završene svečanim programom.









# PODIZANJEM ROMSKE ZASTAVE I RADIONICOM OBILJEŽEN SVJETSKI DAN ROMA







**P**redstavници Vijeća nacionalnih manjina Brčko distrikta BiH zajedno s nezavisnim poslanikom iz romske nacionalne manjine u Skupštini Distrikta Mejrom Šečić, a u saradnji s Omladinskim centrom „Vermont“ obilježili su Međunarodni dan Roma.

Tim povodom, na jarbolu ispred zgrade Skupštine Distrikta, podigli su romsku zastavu, a potom su održali radionicu s djecom iz romske zajednice u prostorijama Dnevnog centra.

Međunarodni dan Roma obilježava se 8. aprila s ciljem da se ukaže na važnost dijaloga o unapređenju položaja romske zajednice.



# MILIĆ: DEVETI MAJ VAŽAN DATUM U ISTORIJI CIVILIZACIJE





Deveti maj je važan datum u istoriji civilizacije jer je na današnji dan prije 78 godina pobijeđeno najveće zlo, a to je fašizam, rekao je predsjednik Skupštine Brčko distrikta Siniša Milić koji je povodom Dana borbe protiv fašizma položio vijenac na partizansko spomen-obilježje u Brčkom.

Treba da njegujemo kulturu sjećanja, istakao je Milić, ali ne samo u spomen tog datuma već da bismo te vrijednosti koje su naše pretke vodile u antifašističkoj borbi prenosili na mlađe generacije.

Predsjednik Milić je izrazio žaljenje što je Brčko jedino mjesto u BiH koje deveti maj nije uvrstilo u svoj kalendar obilježavanja važnih praznika.

*„Morat ćemo naći način kako da postignemo kompromis da ovaj datum bude zvaničan dio kalendara praznika Brčko distrikta. To ne mora biti neradni dan, ali je važno da se nađe u formi zakona i da se obilježava na dostojanstven način“*, rekao je Milić novinarima nakon polaganja vijenaca na partizanskom spomen-obilježju u Brčkom.

Šef Kabineta gradonačelnika Brčko distrikta Nedim Hamzabegović rekao je da je antifašizam univerzalna vrijednost kojim se stvaraju preduslovi za slobodu ljudi i bogatstvo različitosti koje ne treba da bude kamen spoticanja niti uzrok bilo kakvih sukoba.

Predsjednik SUBNOR-a Brčko Janko Vuković rekao je da su obilježavanju Dana pobjede nad fašizmom

partizanskom spomen-obilježju prisustvovali i učenici Tehničke škole koji su položili crvene ruže i bijele kale na spomenik kako bi odali počast žrtvama fašizma i nedavnih tragičnih događaja u Srbiji. Vuković je napomenuo da mladi znaju mnogo o antifašističkoj borbi te da su o tome naučili ne samo u školi nego i od starijih članova porodice.

U spomen žrtvama fašističkog terora, povodom Dana pobjede nad fašizmom, danas su na partizanskom spomen-obilježju u Brčkom položeni vijenci i cvijeće.

Polaganju su prisustvovali predstavnici SUBNOR-a Brčko, izvršne i zakonodavne vlasti Distrikta, srpskih i bošnjačkih političkih stranaka, te učenici Tehničke škole.









## ČESTITKA PREDSJEDNIKA I POTPREDSJEDNIKA SKUPŠTINE POVODOM NOVE GODINE

„Svima sugrađanima želimo sretnu i uspješnu nastupajuću 2024. godinu.

Nadamo se da će godina u koju ulazimo donijeti više radosti, zdravlja i mira, ličnog ali i društvenog prosperiteta i ekonomskog razvoja kako u svijetu tako i u lokalnoj zajednici u kojoj živimo, što i jeste cilj kojim stremimo.

Ne zaboravimo da do tog cilja možemo stići jedino zajedničkim snagama, kompromisom, jer kompromis nema alternativu u savladavanju brojnih prepreka u donošenju razumnih i korisnih rješenja za društvo u cjelini.

Sretna Nova godina!“

Predsjednik Skupštine  
Siniša Milić

Potpredsjednik Skupštine  
Ivo Filipović



## SKUPŠTINA BRČKO DISTRIKTA BiH



Adresa: Mladena Maglova broj 2, Brčko



Telefoni: 049/215-516 (centrala)



E-mail: [info@skupstinabd.ba](mailto:info@skupstinabd.ba)



[www.skupstinabd.ba](http://www.skupstinabd.ba)



[facebook.com/skupstinabrckodistriktabih](https://facebook.com/skupstinabrckodistriktabih)



[youtube.com/@skupstinabrckodistrikta/videos](https://youtube.com/@skupstinabrckodistrikta/videos)